

MEMORANDU

PA: Karus Menbru di Kunité Skular,

DI: Dr. Brenda Cassellius, Superintendenti

DATA: kuarta-fera, 30 di Junhu di 2021

DI: Rikumendason Relativu a Aplikason di Rinuvason di Karta - Dudley Street
Neighborhood Charter School

Dudley Street Neighborhood Charter School (“DSNCS”), un skola autónomu di Horace Mann ki ta sirvi séries K1-5 y lukalizadu na 6 Shirley Street na Roxbury, ta pritendi aprizenta un pididu a Dipartamentu di Ensinu Báziku y Sikundáriu (DESE) pa rinuvason di si karta pa un periodu adisiunal di sinku (5) anu. DSNCS risebi si karta inisial na 2012, tendu sidu aprovalu pa un rinuvason di sinku anu na 2017. Si aprovalu, karta di DSNCS ta serba rinovadu pa periodu 2022-2027. DSNCS teni kontratus ku BPE komu un organizason di jestion idukasiunal. Komu organizason di jestion idukasiunal, BPE ta supervizona funsions skular spisifikus di dia-a-dia, inkuantu konselhu skular ta supervizona stratéjia glubal y orientason y prugresu en direson a objetivus akadémiku.

Di akordu ku G.L. 71, § 89(dd), “un karta konstitutivu pa un skola autónomu Horace Mann ka ta ser rinovadu pa direson sen un maiuria di votus di kunité skular y di unidadi lukal di negosiason kuletivu na distritu undi referidu skola autónomu sta lukalizadu. . . .”

DESE ta bazia si disizon di rinova un karta “midianti aprizentason di ividensias afirmativu sobri fidelidadi di skola en relason a termus di si karta, inkluindu midida en ki skola sigi si planu di rekrutamentu y ritenson y divulga midjoris prátika di akordu ku M.G.L. c. 71, s. 89(dd); susesu di programa akadémiku di skola; y viabilidadi di skola komu un organizason.” 603 CMR 1,11

Di akordu ku G.L. 71, § 89(dd), “un karta konstitutivu pa un skola autónomu Horace Mann ka ta ser rinovadu pa direson sen un maiuria di votus di kunité skular y di unidadi lukal di negosiason kuletivu na distritu undi referidu skola autónomu sta lukalizadu. . . .”

Aplikason di DSNCS sta inkluidu na aneksu. Dipos di rializason di un rivizon di aplikason di DSNCS, N ta rikumenda apruvason di si pididu di rinuvason di karta konstitutivu a DESE pa periodu di 2022-2027.



Rizumu di Dadus

Dividu a pandimia di COVID-19, rizultadus di risponsabilizason di stadu, inkluindu MCAS, a partir di 2020 ka sta dispunivel. Na dadus di risponsabilizason más risentis dispunivel a partir di 2019, DSNCS staba na 8^o persentil di skolas en tod u stadu, un diminuison en relason a 9^o persentil na anu antirior. Si DSNCS fosi un skola di distritu (nau-autónumu), DSNCS tiria sidu konsideradu un skola di transfurmason. Skola tevi rizultadus mistu pa diferentis grupu di alunus. Na 2017-2018, dizenpenhu di alunus Afro-Amerikanu di DSNCS situa na persentil 52 en relason a dizenpenhu du mesmu subgrupu na skolas ki ta administra avaliasons similhanti y foi konsideradu komu kunprindu kritérius di metas di milhuria riferensiadu (83% di pontus). Subgrupu Latina/u di skola tevi un dizenpenhu na persentil 46 y é kunpri tanbe metas di milhuria (80% di pontus). Na 2018-2019, dizenpenhu di alunus Afro-Amerikanu aumenta pa persentil 57 en relason a dizenpenhu du mesmu subgrupu, ma dizenpenhu di subgrupu Latina/u di skola diminui pa persentil 33.

Na auzensia di rizultadus di risponsabilizason statal y MCAS, DSNCS furnesi infurmasons sobri sis avaliason furmativu skodjedu. Inkuantu na 2017-2018 y 2018-2019 skola ultrapasa meta di 75% di alunus na séries K2-5 dimonstrandu un anu di krisimentu na avaliason STEP/F&P di literasia (76% y 79%, respetivamente), na 2019-2020 apenas 68% di alunus ku dadus dispunivel kunpri referensial di krisimentu. Skola ka atinji si meta si meta di 70% di alunus di séries K2-5 dimonstrandu pelu menus 70% di duminu sobri avaliasons di fin di unidadi matimátikana anus 2017-2018, 2018-2019, o 2019-2020, ku apenas 59% (2017-2018), 54% (2018-2019), y 63% (2019-2020) di alunus ta atinji es valor di referensia.

A lus di kes dadu li, DSNCS divia kontinuaba ta dizenvolvi formas di midjora rizultadus di alunus y di ilimina lakunas di opurtunidades y dizenpenhu.

DSNCS tanbe obtevi ganhus. DSNCS riduzi substansialmenti sis taxa di suspenson dentu y fora di skola. Taxa di suspenson na skolas kai di 4.7% na 2016 pa 1.8% na 2019, abaxu di média statal di 1.9%. Suspensons fora di skola dixi di 5.4% na 2016 pa 4.4% na 2017 y 0.7% na 2019, mutu abaxu di média statal di 3.0%.

Finalmenti, mudelu di Akadimia di Ensinu di DSNCS é un pontu forti, undi rizidentis di Rizidensia di Profesoris di Boston (Boston Teacher Residency) menbrus di Dudley Promise Corps ta trabadja diretamenti ku alunus inkuantu es ta pripara pa kareras komu profesoris. Duranti si sigundu mandatu, DSNCS sirvi di lukal di akulhimentu di Akadimia di Ensinu pa priparason di 40 novus profesor di BPS. Di profesoris en furmason priparadus na skola, tudu es, menus un, pasa ta lesiona na BPS na anu siginti. DSNCS debi kontinua ta dizenvolvi es prugrama di susesu.



Ku bazi na análizi di riba, N ta rikumenda apruvason di karta di DSNCS pa 2022-2027.

Diretor Izikutivu di BPE Jesse Solomon, Direktor di DSNCS Elijah Heckstall, y Prizidenti di Konselhu di Administrason Hakim Harris ta bai sta dispunivel pa rispondi a purguntas relativus a kandidatura.

